



KERAJAAN NEGERI SEMBILAN DARUL KHUSUS

PEKELILING SETIAUSAHA KERAJAAN NEGERI SEMBILAN DARUL KHUSUS

BILANGAN 2 TAHUN 2024

BANTUAN KHAS KEWANGAN AIDILFITRI TAHUN 2024 KEPADA ANGGOTA PERKHIDMATAN AWAM NEGERI NEGERI SEMBILAN DARUL KHUSUS

TUJUAN

1. Pekeliling Perkhidmatan ini bertujuan melaksanakan keputusan Kerajaan Negeri untuk memberi **Bantuan Khas Kewangan (BKK) Aidilfitri Tahun 2024** kepada anggota Perkhidmatan Awam Negeri, Negeri Sembilan Darul Khusus.

LATAR BELAKANG

2. Kerajaan Negeri telah membuat keputusan supaya BKK Aidilfitri Tahun 2024 dibayar kepada anggota Perkhidmatan Awam Negeri. **Kadar BKK Aidilfitri Tahun 2024 yang ditetapkan adalah dengan kadar rata sebanyak RM500.00.**

PELAKSANAAN

3. BKK Aidilfitri Tahun 2024 ini dibayar kepada anggota perkhidmatan awam negeri (termasuk lantikan kontrak) yang berkhidmat di bawah Pentadbiran Kerajaan Negeri Sembilan dalam tahun 2024 **sekurang-kurangnya 30 hari berturut-turut** (termasuk semua jenis cuti bergaji penuh yang layak) dalam tempoh **1 Januari 2024 hingga 5 April 2024 dengan kadar rata sebanyak RM500.00. Bantuan Khas Kewangan Aidilfitri sebanyak RM500.00** ini juga dipanjangkan kepada Pekerja Sambilan Harian (PSH) yang masih berkhidmat dan tempoh kontraknya telah berkuat kuasa sekurang-kurangnya 30 hari berturut-turut pada tahun 2024.

4. Tarikh pembayaran BKK Aidilfitri Tahun 2024 adalah pada 5 April 2024 bersamaan 25 Ramadan 1445H.

PEGAWAI YANG LAYAK

5. Pegawai yang layak dibayar BKK Aidilfitri Tahun 2024 adalah seperti berikut:
- a. pegawai lantikan tetap, di bawah waran perjawatan negeri, lantikan sementara, *contract of service* dan *contract for service*;
 - b. pegawai yang bercuti bergaji penuh / bercuti separuh gaji / tanpa gaji tetapi tidak sepanjang tempoh 1 Januari 2024 hingga 5 April 2024;
 - c. pegawai yang dipinjamkan ke agensi yang diasingkan pengurusan saraannya tetapi tidak sepanjang tempoh 1 Januari 2024 hingga 5 April 2024;
 - d. Pegawai kontrak yang putus perkhidmatannya selama satu (1) hari sebelum disambung semula kontrak perkhidmatannya;
 - e. Pegawai yang telah bersara / meninggal dunia dalam tempoh 1 Januari 2024 hingga 5 April 2024; dan
 - f. Pekerja Sambilan Harian yang masih berkhidmat dan tempoh kontraknya telah berkuat kuasa sekurang-kurangnya 30 hari berturut-turut pada tahun 2024.

PEGAWAI YANG TIDAK LAYAK

6. Pegawai yang tidak layak dibayar BKK Aidilfitri Tahun 2024 adalah seperti berikut:
- a. Pegawai yang berkhidmat kurang daripada 30 hari berturut-turut (termasuk semua jenis cuti bergaji penuh yang layak) dalam tahun 2024;
 - b. Pegawai yang bercuti tanpa gaji sepanjang tahun 2024;

- c. Pegawai yang dipinjamkan ke agensi yang diasingkan pengurusan saraannya sepanjang tahun 2024;
- d. Pegawai yang ditamatkan perkhidmatan demi kepentingan awam dalam tempoh 1 Januari 2024 hingga 5 April 2024;
- e. Pegawai yang dikenakan hukuman tatatertib dalam tempoh 1 Januari 2024 hingga 5 April 2024;
- f. Pegawai yang meletak jawatan dalam tempoh 1 Januari 2024 hingga 5 April 2024; dan
- g. Pegawai kontrak dan Pekerja Sambilan Harian yang telah tamat kontrak sepanjang tempoh 1 Januari 2024 hingga 5 April 2024.

PEGAWAI YANG DITANGGUHKAN PEMBERIAN BKK AIDILFITRI TAHUN 2024

7. Pegawai yang yang ditahan kerja, digantung kerja atau surat pertuduhan telah dikeluarkan oleh Pihak Berkuasa Tatatertib, ditangguhkan pemberian BKK Aidilfitri Tahun 2024. Pegawai hanya layak dibayar BKK Aidilfitri Tahun 2024 sekiranya Pihak Berkuasa Tatatertib mendapati pegawai tersebut tidak bersalah.

JABATAN YANG MEMBAYAR

8. Pembayaran BKK Aidilfitri Tahun 2024 adalah menjadi tanggungan jabatan di mana pegawai berkhidmat pada bulan pembayaran.

TARIKH KUAT KUASA

9. Pekeliling Perkhidmatan ini berkuat kuasa mulai tarikh ia dikeluarkan.

PEMAKAIAN

10. Tertakluk kepada penerimaan pakai Pekeliling ini oleh pihak berkuasa masing-masing, peruntukan Pekeliling ini pada keseluruhannya dipanjangkan kepada semua Perkhidmatan Awam Negeri, Badan Berkanun Negeri dan Pihak Berkuasa Tempatan Negeri.

“MALAYSIA MADANI”

“BERKHIDMAT UNTUK NEGARA”

“BERSIH. MUAFAKAT. SEJAHTERA”

Saya yang menjalankan amanah,



(DATO' MOHD ZAFIR BIN IBRAHIM)

Setiausaha Kerajaan

Negeri Sembilan Darul Khusus

3 April 2024